

Ona yurtning - oltin beshiging

TONG yulduzi

№ 13
(66450)

2004 yil
29 mart - 4 aprel

Gazeta 1929 yil
1 avgustdan chiqa
boshlagan

O'zbekiston bolalari
va o'smirlarining gazetasi

Muassislar:

O'ZBEKISTON MATBUOT VA AXBOROT AGENTLIGI,
O'ZBEKISTON RESPUBLIKASI XALQ TA'LIMI VAZIRLIGI,
«KAMOLOT» YOSHLAR IJTIMOIY HARAKATI.

BOYCHECHAK



Sen bahorning elchisi,
Boychechagim, boychechak.
Seni ko'rgan qalblarda,
Aytilar ezgu tilak.

Seni ko'rdim bog'larda,
Baxmal adir, tog'larda.
Boshlab kelding bahorni,
Toza kumush nahorni.

Boychechagim, boychechak,
Seplaringni yoy, chechak!

Gulhayo RASULOVA,

Andijon viloyati, Buloqboshi tumanidagi

10 - ixtisoslashgan maktabning 5 - sinf o'quvchisi.

«TINCHLIK KERAK DUNYODAGI BARCHA O'G'IL-QIZLARGA!»



Farg'ona viloyati, Dang'ara tumanida yashovchi
Abror Hikmatov chizgan rasmini
shunday nomlabdi.

KIM KO'P SHE'R BILADI?

Yaqinda tumanimizdagi 51-umumta'lim maktabi o'quvchilari orasida «Kim ko'p she'r biladi?» deb nomlangan tanlov bo'lib o'tdi. Maqsad - o'quvchilarni she'riyatga oshno qilish, bo'sh vaqtlarini mazmunli o'tkazish hamda iqtidorlarini namoyon etishga imkon yaratishdan iborat edi. Bahslar avvalo sinflar, so'ngra eng faol, zukko o'quvchilar bellashuviga aylanib ketdi.

3-«A» sinf o'quvchilari 880 ta, 8-sinf o'quvchilari 618 ta, 2-«A» sinf o'quvchilari esa 550 ta she'r yod olishib, sovrinli o'rnlarni bo'lishib olishdi. Yakka bahslarda Masturaxon Tojiqurbonova, Husan Husanboyev, Hasan Sheralizoda, Dilnoza Mo'minova, Mohira Valijonova, Dilrabo Omonova, Durdona Shahobovalar 130 tadan 180 tagacha she'rni yoddan o'qib, yig'ilganlar olqishiga sazovor bo'lishdi. Ularga ham esdalik sovg'alari ulashildi.

Vali AHMADJON,
Farg'ona viloyati, Bag'dod tumani.



MEHR- MURUVVATLIMIZ

Biz shundayin bir elmiz,
Sabru qanoatlimiz.
Bir-birimizga doim,
Mehr-muruvvatlimiz.
Keksalari hurmatda,
Kichiklari izzatda.
To'y-yu ma'rakalarda,
Barcha birdek xizmatda.
Barcha millat, elatning.
Ko'rsa quvnaydi ko'zi.
Shodon el farzandlari,
Shunday ulg'ayar o'zi.

Dilfuza SOBIROVA,
Samarqand viloyati,
Samarqand tumanidagi
19 - o'rta maktabning 5 - «B» sinf o'quvchisi.

HALOL MEHNATNING NONI

Bir bor ekan, bir yo'q ekan, qadim zamonda bir kambag'al dehqon bo'lgan ekan. U kunini halol mehnat bilan o'tkazgani uchun odamlar orasida uning obro'si baland ekan. Dehqonning uyida bir chiroyli va xushbo'y gul bo'lib, u insonga juda katta baxt, omad keltirar ekan. Bir kuni uning hovlisiga bosh vazirning ko'zi tushib qolibdi. Bu gul unga nihoyatda yoqibdi va dehqondan gul ko'chatidan berishni so'rabdi. Shunda dehqon:

- Kechirasizu Vaziri a'zam, bu gul har yili faqat bittagina bo'lib ochiladi. Ko'chatini juda ko'p odam so'ragan, lekin bitta guldand qanday qilib ko'chat olish mumkin?-debdi. Bu gap vazirga yoqmabdi. -Unda urug'i-chi?-debdi dag'dag'a bilan.

-Afsuski, urug'i ham yo'q.
-Unda shu tupini ko'chirib olib berasan. Bo'lmasa boshingni tanangdan judo qildiraman. Bu gapdan cho'chigan dehqon unga gul tupini ko'chirib beribdi. Ammo gul yarim yo'lga borib, so'lib qolibdi. Shunda ham vazir uni uyiga olib borib ekibdi. Lekin gul hech boshini ko'tarmabdi. Buning ustiga vazirning uyida turli ko'ngilsizliklar yuz bera boshlabdi. Vazirning xotini buning hammasiga shu gul sababehi ekanligini aytibdi. Vazir gulni olib ko'chaga ulotirib yuboribdi. Bir kuni dehqon ko'chadan o'tib ketayotsa, so'lib qurishga kelgan gulini ko'rib qolibdi. Shunda u ko'chatni olib, qaytadan o'tqazibdi. Buni qarangki, gul qaytadan ko'karib, oradan oz vaqt o'tgach, gullabdi. Halol mehnat nonini yeb hotirjam yashaganlarni gul ham olqishlar ekan-da.

Mavluda MO'MINOVA,
Farg'ona viloyati, Oxunboboyev tumanidagi
38- maktabning 5-sinf o'quvchisi.


TEKINGA DAFTAR-QALAM

Shayxontohur tumanidagi 324- o'rta maktabda «Sahovat klubi» faoliyat ko'rsatayotganiga uncha ko'p vaqt bo'lgani yo'q. Doimo o'quvchilar bilan gavjum bo'lgan klubga Aziza Xudoyberdiyeva boshchilik qiladi. Maktabda tahsil olayotgan bolalar qalam, daftar, turli-tuman ertak kitoblarni o'z hisoblaridan olib kelib, uning a'zolariga topshirishadi. Ushbu yig'ilgan sovg'alar tumandagi bolalar uyiga, internatga xayriya sifatida beriladi. «Sahovat klubi»ning bu xayrli ishlaridan boshimiz osmonga yetib, mehr-muruvvat kurtaklari nish urayotgan ana shunday qalbi pok o'quvchilar yanada ko'paysin deymiz.

Dilafro'z YUNUSOVA,
324-o'rta maktabning 10- «A» sinf o'quvchisi.

QOSHALOQ BAYRAM

Biz tengdoshlarimiz bilan «Tong yulduzi» gazetasining har bir sonini qiziqib o'qib boramiz. Bugun esa o'zimiz ham maktub yozishga qaror qildik. Chunki maktabimizda qiziqarli tadbirlar, tanlovlar muntazam o'tkazilib turiladi. Ayniqsa, kuni kecha Navro'z ayyomiga bizning «Muchal to'yimiz» ham qo'shilib ketdi. Sinf rahbarimiz Nigora Murodova va maktabimizning tashkiliy ishlar bo'yicha direktor muovini



Nulufar Oxunovalarning sa'y-harakatlari tufayli o'tkazilgan bu tadbirga «Guliston» mahalla qo'mitasi oqsoqollari ham tashrif buyurishdi. Dasturxon atrofiga yig'ilgan mehmonlar bizni qo'shaloq bayram bilan qutlashdi. Navro'zning taniq taomi bo'lgan sumalak tortildi. Tadbir so'ngida bizga esdalik sovg'alari va «Rahmatnoma»lar topshirildi.

Mirzo Ulug'bek tumanidagi
241-maktab o'quvchilari nomidan
Gulnoza ALIQULOVA.

Maktublar



USTOZGA TA'ZIM

Ustozlarimiz bizni Vatanga, ona-onaga, kasbga mehr-muhabbatli bo'lishga o'rgatishadi. Agar ular bu borada hayotda ham namuna bo'lsalar, nur ustiga a'lo nur bo'ladi. Hayotini bolalarsiz tasavvur qila



olmaydigan, mana 35 yildirki, ularga saboq berib kelayotgan ustozimiz Pokiza opa Mirsovurova ana shunday so'zi bilan ishi bir insonlardan. Dastlab ish faoliyatini maktabdan boshlagan ustoz keyinchalik Toshkent Davlat Milliy Universiteti qoshidagi litseyda, so'ngra O'qituvchilar malaka oshirish institutida, Markaziy bank kollejida va Aviatsiya Oliygothlarida davom ettirdi. Opa qayerda mehnat qilmasin, o'quvchilari qalbiga yo'l topa olgani bois, ular bilan qadrdonlashib, do'stlashib ketadilar. Biz Pokiza opani xuddi o'z onamizdek yaxshi ko'ramiz. Chunki u kishi bizdan yordamlarini, dono maslahatlarini hecham ayamaydilar. Bizga dars berish bilan chegaralanib qolmay, matematika, fizika, falsafa kabi murakkab fanlar bo'yicha to'garak mashg'ulotlari ham olib boradilar. Bunday mashg'ulotlar biri-biridan qiziqarli, tortishuvlarga boy, munozarali o'tadiki, hatto vaqtning qanday o'tganini ham sezmay qolamiz. Ustozimizning samarali mehnatlari munosib taqdirlangan. 20 dan ziyod «Faxriy yorliq»lar olganlar. Falsafa fanlari nomzodi, Oliy toifali o'qituvchi unvonlariga sazovor bo'lganlar.

Sevimli yetakchimiz, aziz ustozimizni barcha shogirdlari nomidan bahoriy bayramlar bilan samimiy qutlayman. Sharafli hamda o'ta mas'uliyatli ishlarida omadlar tilab qolaman.

Sitora TOJIYEVA,
22 - Hunar bilim kollejining 2-«B» guruxi talabasi.

Kichik o'lchamda kitob,
Ilm mening dil cho'g'im.
ONA TILDA o'qimoq,
Mening katta huquqim.



KOMPYUTER O'YINI BAQIDA QO'SH MAKTUB

Hozirgi kunda yomg'irdan keyin bodrab chiqqan qo'ziqorindek kompyuter klublari ko'payib ketdi. Ko'pligi yaxshi-ku, bolalar bo'sh vaqtlarida o'ynashadi, shuningdek, kompyuterda ishlashni ham o'rganib olishadi, deysizmi? To'g'riku-ya, ammo bunday klublarning maktablar atrofida ochilayotgani chakki bo'lyapti-da. Chunki o'quvchilar darslardan qochib, bunday maskanlarga kelishadi... Maktabga ketdim, deya uydan chiqib ketib, kunini ana shunday klublarda o'tkazib yurgan tengdoshlarimiz soatiga 500, hatto 1000 so'mgacha pul sarflab, kompyuter o'ynashar ekan. Ularga qanday filmlar qo'yib berilishini yoki qanday o'yinlar o'ynashlarini bilmaymanu, lekin menimcha ana shu pul evaziga bolalar EHMDan saboq olsalar, yaxshiroq bo'lardi. Ustozlarimiz

sayoq yurgan bunday bolalarning ota-onalari bilan gaplashishganda, ular: «bizning aslo xabarimiz yo'q», deyishibdi. Menimcha, bunday holatga aslida ota-onalarning o'zlari ham sababchi-da. Ular farzandlariga 500-1000 so'm emas, tushlik qilishlari uchun yetarligina pul bersalar yaxshi bo'lardi.

Bu borada sizning fikringiz qanday, aziz ota-onalar?

Durdona AVAZOVA,
Toshkent shahar, Shayxontohur
tumanidagi 85 - maktabning
9 - «A» sinf o'quvchisi.



Kattalar
e'tibor
bering



xxx
Bir donishmand kishi shunday degan ekan: «Agar biror mamlakatning qanday ekanligini va kelajakda qay darajada bo'lishini bilmog'chi bo'lsang, uning farzandlariga boq. Agar ular bilimli bo'lsa, u buyuk davlat bo'ladi!». Oramizda bilim olish uchun boshlarini kitobdan ko'tarmaydigan o'quvchilar bor. Ammo aksariyat o'quvchilarning beg'ubor qalbi o'qishdan, o'rganishdan tonib, bilib-bilmay yomon yo'llarga kirib qolmoqdalar. Buning sababi esa-BO'SH VAQT! Chunki bo'sh vaqti ko'p bo'lgan o'quvchi o'ziga ermak izlaydi. Nima qilishini bilmagan bola boshqa tengdoshlariga qo'shilib sigaret chekmaydi yoki turli Kompyuter o'yinlariga bormaydi, deb kim kafolat bera oladi? Ayniqsa, hozir turli yerlarda «Kompyuter o'yinlari» degan yozuvga ko'zimiz tushib qoladi. Undan bola naf ko'radimi? Nahotki shu o'yinlar bolalar ma'naviyatini shakllantirsa? Shunday o'yin xonalarini to'ldirib o'tirgan o'rtoqlarim o'yin uchun ketkazgan pullariga kitob sotib olishsa, maqsadga muvofiq bo'lardi, deb o'ylayman.

Guljahon ATABOYEVA,
Samarqand viloyati,
Oqdaryo tumanidagi
20-maktabning
9-sinf o'quvchisi.



Kelajak qanotlari

«ONAM CHEMPION BO'LISHIMNI XOHLAYDILAR»

Hademay musobaqalar boshlanadi. Katta-yu kichik tomoshabinlar nigohi maydonga qaratilgan. Maydonga allanechuk mehr va hayajon bilan boqib turgan bir kishi e'tiborimni tortdi. Tanishib oldim, navoiylik muhandis Hamid aka Qilichev ekanlar. Hayajonlanishlari sababini so'rasam, maydondagi qiz mening qizimda, dedilar.

-Hamid aka, hamma qizlarimizning otasi ham musobaqalarga kelavermaydi-a?-deya suhbatga tortdik. -Ayniqsa, bizning xalqimizda...

-Shahlo qizim yoshligidan sportning qo'l jangiga qatnab yurardi. Dastlab men ancha qarshilik qildim. Gapning



Texnika kollejida sportning qo'l jangi turi bilan muntazam shug'ullanib kelaman. O'zbekiston chempioni Murod aka O'rinov menga murabbiylik qiladilar. Guruhimizda 96 nafar o'g'il bolalar, 15 nafar qizlar shug'ullanishadi. Har birimizning maqsadimiz chempion bo'lish!

Navoiy shahridagi 17-o'rta maktabning 10-sinfida a'lo baholarga o'qiyotgan, shuning barobarida sport bilan samimiy do'stlashib, ulkan zafarlarni qo'lga kiritayotgan Shahlo Qilichevaga havas bilan boqaman. Chunki u ilk bor qatnashgan sport musobaqasida zafar quchib, onasining bag'riga quvonch bilan, yosh shoira Guljamol Asqarovaning ushbu satrlarini yuragiga jo qilib qaytyapti:

*Tangrim meni yaxshi ko'radi,
Qara, qanday baxtliman opa.
Onamga ayt, hech o'ksimasin,
Men hammadan baxtliman, opa...*

CHARM TO'PIM

*Charm to'pim, charm to'p,
Senda bormi sharm to'p?
To'g'ri tepsam, burilding,
Derazaga urilding.
Menga tushdi shapaloq,
O'zing bo'lding yapaloq.*

*Nasimjon MAMADALIYEV,
Namangan viloyati,
Uychi tumani,
Birlashgan qishlog'i.*

ochig'i, uning sportchi bo'lishini xohlamagandim.

-Endi-chi?

-Uning musobaqalardagi yutuqlarini ko'rib, o'zim ham qiziqib qoldim...

Shu payt maydonda g'olibning nomi e'lon qilinib, hakam Shahloning qo'lini baland ko'tardi. Shu damda otasining hayajonini bir ko'rsangiz edi?!

-Shahlo, g'alaba bilan tabriklayman,-deya uning quvonchiga sherik bo'ldim.

-Musobaqalarga doimo dadangiz bilan borasizmi?

-Ha, kelasi safar onam ham kelsalar kerak. Chunki ular ham chempion bo'lishimni juda-juda xohlayaptilar. «Onajon, sizning duolaringiz meni albatta chempion qiladi» deyman qandaydir bir ishonch bilan.

-Sportchi dugonalaringiz ham ko'pdir?

-Bor, lekin ko'p emas.

-Murabbiyngiz haqida ham gapirib o'tsangiz.

-Mana yetti yildirki, Navoiydagi



YANGI KLUBNING YANGI G'ALABASI

-Shahrimizda Bolalar sportiga alohida e'tibor bilan qaralyapti. Yaqinda otanalar taklifi va bolalarning qiziqishlarini inobatga olib, shahrimizdagi «Ulug'bek» hissadorlik jamiyati qoshida «Gepard» nomli yangi sport klubini tashkil etdik. Unga 100 nafardan ziyod sport ixlosmandlari a'zo-bo'lishgan. Bolajonlarga yetti nafar tajribali murabbiylar saboq berishadi. Ish boshlaganimizga atigi 4 oy bo'ldi. Ammo natijalarimiz quvonarli. Yangi klubimizning umidli a'zolari yangidan-yangi zafar quchmoqdalar. Ayni kunlarda hamdo'stlik davlatlarida bo'lib o'tadigan yana bir nufuzli musobaqaga tayyorgarlikni boshlab yuborganmiz.

*Sadir TESHABOYEV,
Respublika toifasidagi hakam, sport ustasi.*

Yurtimizda Navro'z shukuhi hukm surayotgan ayni pallada poytaxtimizning «Dinamo» sport majmuida o'tkazilgan sport musobaqalari, bellashuvlarida ham bayram kayfiyati sezilib turdi. Shanba kuni sambo zalida yakun topgan bolalar va o'smirlar o'rtasidagi qo'l jangi bo'yicha respublika ochiq birinchiligi musobaqasi fikrimiz dalilidir. Musobaqada yurtimizning barcha viloyatlaridan kelgan yosh, umidli sportchilar o'zaro bellashdilar. Ayniqsa, Navoiy, Samarqand, Farg'ona, Qashqadaryo, Toshkent, Buxoro va Andijon viloyatlari vakillari alohida o'rnak ko'rsatishdi. Ushbu musobaqa uning ishtirokchilari uchun ajoyib xotiralarga boy bo'ldi. Chunki ular musobaqalar sabab Navro'z bayramini poytaxtimizda nishonlashdi.

1-o'rin Toshkent qo'l jangi federatsiyasi a'zolariga, 2-o'rin yangiyo'llik sportchilarga, 3-o'rin esa qashqadaryoliklarga nasib etdi.

Biz musobaqa ishtirokchilaridan ayrimlari bilan suhbatda bo'ldik.

AYYOMINGIZ MUBORAK!

O'lkamizda fasllar kelinchagi, bayramlar-u tantanalarga boy bahor fasli kezib yuribdi. Qayga qaramang, bayram shukuhi. Bizning G'afur G'ulom nomli 169-maktabimizda ham Navro'zga bag'ishlangan tantana bo'lib o'tdi. Kechamizga mahallamiz oqsoqoli Fotih aka Asqarov boshchiligida nuroniy otaxonlarimiz, ota-onalarimiz, buvjonlarimiz mehmon bo'lib kelishdi. Biz ularni o'zimiz tayyorlagan bahor taomlari bilan siyladik, kuy-qo'shiqlarimiz bilan xushnud qildik. Men ham mehmonlarga o'zim yozgan she'rimni o'qib berdim. Uni siz ham bir o'qib ko'ring-a:

KO'KLAM KELDI

*Bugun bayram, shod-hurramlik dilimizda,
Ko'klam keldi, Navro'z kezar elimizda.
Ko'klamning ko'k etagidan gul to'kilar,
Uning madhi uchun qo'shiq, kuy to'qilar.
To'qiladi ertangi kun rejalarini,
Istiqbolga elitadi ular bari.
Navro'zoyning ta'rifiga ojiz tilim,
Shukuhi-la quvonadi shodon dilim.*

*Dilafro'zbonu USMONOVA,
Toshkent shahar, Shayxontohur tumanidagi
169 - maktabning 7 - sinf o'quvchisi.*

«champion».

Qo'qon shahridagi 4-o'rta maktabning 4-sinf o'quvchisi Nuriddin Azizov darslardan so'ng bo'sh vaqtini sport zalida o'tkazishga odatlangan. Bu odati ota-onasini ham juda quvontiradi. Chunki uning kundan-kunga jismonan chiniqib, baquvvatlashib borayotganini ko'rib turishibdi-da. O'qishlari ham, boshqa mashg'ulotlari ham muvaffaqiyatli ketyapti...

Nihoyat kutilgan damlar keldi. Uning tinimsiz mashqlari o'z samarasini ko'rsatdi. O'tgan yili «Vodiy birinchiligi»da 1 - o'rinni qo'lga kiritdi. Toshkentdagi «Dinamo» sport klubida bo'lib o'tgan qo'l jangi Respublika musobaqasida kumush medalni qo'lga kiritib, Qo'qondagi o'zi shug'ullanayotgan «Gepard» sport klubiga yorug' yuz bilan mag'rur qaytdi. O'rtoqlarining unga havas bilan boqishlari bo'lajak sportchini yanada katta g'alabalar sari ruhlantiryapti.

Ma'mura MADRAHIMOVA.



Iqtisoddan saboqlar ko'rik - tanlovi

Suv-hayot manbai

Yaqinda Osiyo taraqqiyot banki tomonidan ajratilgan 36 mln. AQSH dollari miqdoridagi kredit mablag'i evaziga respublikamiz aholisini ichimlik suvi bilan ta'minlashni yaxshilashga qaratilgan loyiha ish boshladi. Loyihada respublikamizning Jizzax, Guliston va Qarshi shaharlarini ichimlik suvi bilan ta'minlashni yaxshilanishi ko'zda tutilgan.

Yer yuzida ichimlik suvining yetishmasligi borgan sari katta muammoga aylanib bormoqda. AQSH Tinch Okeani tadqiqot instituti olimlarining fikricha, agar suv ta'minoti yaxshilanmas ekan, 2020-yilga borib sifatsiz suvni iste'mol qilish natijasida yer yuzining 34 mln. dan 76 mln. gacha aholisi turli kasalliklarga chalilib vafot etishi


mumkin.

Ichimlik suvi tanqisligi va undan kelib chiqadigan muammolar, ayniqsa, Afrika va Janubiy Osiyo mamlakatlarida keskin tus olgan. Lekin, bu kabi muammolardan dunyoning eng rivojlangan davlatlari ham kafolatlanmagan.

Kattaligi jihatidan ikkinchi o'rinda turuvchi AQSHning Ford avtomobil kompaniyasi ishlab chiqarish jarayonida eng yangi kompyuter texnologiyalarini tadbiiq etgan. Bu texnologiyalar ishlab chiqarish jarayonini virtual ravishda kuzatish, ya'ni virtual ishchilarning,

ketadigan vaqt uch marta kamaygan.

Bundan tashqari, yangi texnologiyalar yordamida avtomobil ehtiyot qismlarini kompyuterda uch o'lchamli grafikada ishlab chiqilib, ularni kompyuterning o'zida testdan o'tkazish va yakuniy tayyor mahsulot holiga keltirish mumkin. Bu jarayonlarning



avtomobillarning turli qismlarini yaratishda, har xil asbob uskunalaridan qanday foydalanishini kuzatish, yuzaga kelishi mumkin bo'lgan muammolarni oldindan aniqlab bartaraf etish hamda ishning eng samarador uslubda tashkil etilishiga juda katta yordam beradi.

Kompaniya mutaxassislarining fikricha, yangi tizim kompaniyaning yangi modellar yaratish va takomillashtirishga sarflanadigan harajatlardan bir yilda kamida 150 mln. AQSH dollarini tejab qolish imkonini berar ekan. Avtomobil yangi rusumining dastlabki dizayn bosqichidan boshlab to konveyerdan sotuvga tayyor holda chiqishgacha

barchasi malakali mutaxassislar tomonidan kompyuter monitori orqali kuzatilib xatoga yo'l qo'yish ehtimoli minimumga keltirilgan. Ford kompaniyasining yangi Escort modelini yaratilishida ushbu texnologiyalarning xizmati katta bo'ldi.

-Yangi texnologiyalar Ford kompaniyasida mehnat va kapital omillaridan foydalanishga qanday ta'sir ko'rsatadi?

- Bunday o'zgarishlarning iste'molchi uchun qanday ijobiy jihatlari bor?

- Yangi texnologiyalar Ford kompaniyasining samaradorligini qanday oshirish mumkinligini o'ylab ko'ring. Sinfdoshlaringiz bilan o'zaro fikr almashing.

Aziz yosh iqtisodchilar!

Yodingizda bo'lsa, gazetamizning

19-yanvar sonida an'anaviy «Iqtisod saboqlari»


ko'rik-tanlovining asosiy topshiriqlarini e'tiboringizga havola qilgandik. Tanlovimiz shartlari, topshiriq va boshqotirmalari ancha ko'p bo'lganligi bois, ularni bajarishingiz uchun ham imkon qadar ko'proq fursat berdik.

Gazetamizning ushbu sonidan boshlab e'tiboringizga tanlovning yakunlovchi bosqichi topshiriqlarini havola qilib boramiz. G'oliblarni aniqlash, taqdirlash marosimi may oyida bo'lib o'tadi.


Shuningdek, tanlovimizning asosiy shartlariga javob yozishga ulgur olmay qolgan o'quvchilarga eslatib o'tamiz: «Iqtisod saboqlari»

ko'rik-tanlovining asosiy shartlari gazetamizning shu yilgi 19 yanvar sonida e'lon qilingan edi.

Tanlovimizda ishtirok etishga, g'olib chiqib, qimmatbaho sovg'alarni qo'lga kiritishga shoshiling!



- Suv qanday ne'mat hisoblanadi?
- Mamlakatimiz sharoitida suv qanday ahamiyatga ega?
- Butun dunyo bo'ylab suv ta'minotini yaxshilash uchun qanday chora-tadbirlar amalga oshirilishi mumkin?
- Yana qanday ne'matlar sifatining yomonlashuvi juda katta iqtisodiy holda ekologik muammolarning vujudga kelishiga sabab bo'lishi mumkin?
- Bu muammoni yechishda shaxsan o'zingiz qanday hissa qo'shishingiz mumkin?
- Siz yashab turgan hududda suv tanqisligi muammosi bormi? Bu muammoni hal qilish uchun qanday chora-tadbirlar ko'rish lozim?



-Tasvirlar yordamida «Ixtisoslashuv» terminini tushuntiring.

- Tasvirlardagi ixtisoslashuvlarning:

- 1) firmalar uchun qanday ijobiy tomonlari?
- 2) ishchilar uchun qanday salbiy jihatlari mavjud?



Iqtisoddan saboqlar ko'rik - tanlovi


Sobiq sovet tuzumida ishlab chiqarish

Belorus traktor zavodi rejali iqtisodiyotda ishlab chiqarish qanday amalga oshirilganiga yaqqol misol bo'la oladi. Zavodga xom-ashyolar davlat tomonidan ajratilar va buning evaziga u yiliga taxminan 100000 ta traktor ishlab chiqarar edi. Ushbu zavod bunday traktorlarni ishlab chiqaruvchi va kolxozlarga yetkazib beruvchi butun mamlakat bo'yicha yagona edi. Zavod mahsulotlarining qariyb 25% boshqa ittifoqdosh mamlakatlarga eksport qilinar edi. Ammo zavod rahbariyati agar traktorlar bozori erkin bo'lganida zavod o'z mahsulotini ikki barobar ko'p miqdorda sota olishi mumkinligini tan olar edi.

- Nima uchun Belorus traktor zavodi «rejali iqtisodiyotda ishlab chiqarishning yaqqol misoli» sifatida qaralmoqda?

- Boshqa iqtisodiy tizimlarda Belorus traktor zavodi qanday ijobiy yoki salbiy natijalarga erishishi mumkin bo'lar edi?

Davlat xom-ashyolardan erkin ravishda foydalanishga imkon berishi to'g'ri deb o'ylaysizmi?



O'tgan asrning 90-yillari boshiga kelib sobiq sovet tuzumi davlatlari shunday ekologik inqirozni boshdan kechirdilarki, global ekologik muammolarning aksariyati uning oldida hech qanday ahamiyatga ega emasdek edi. Misol uchun, ulkan, qachonlardir kattaligi jihatidan jahonda 4-o'rinda turgan Orol dengizining yo'q bo'lib ketish xavfi yuzaga kelgan edi. Bu paytga kelib u tuz zahriga botgan cho'llardan iborat ikki kichik ko'chaga aylanib qolgan edi. Sobiq ittifoq davrida Suv ne'matidan

vahshiylarcha foydalanish shunday oqibatlariga olib kegan edi.

- Yuqoridagi parchada qanday ekologik muammolar haqida so'z yuritilgan?

- Ular haqida siz nimalarni bilasiz?

- Nima uchun shunday muammolar aynan markazlashgan-buyruqli iqtisodiyot tizimida yuzaga kelish extimoli bor?

AQSH iqtisodiyotining o'sishida iste'molchilarning hissasi

2002 yilning III choragida AQSH YAIMi (yalpi ichki mahsuloti) yillik hisobda 3,1% ga o'sganligi ma'lum bo'ldi. Ushbu o'sishni eng avvalo, harajatlari 4,2% ga (II chorakda-1,8% ga) o'sgan iste'molchilar ta'minladilar. «Amerika iste'molchisi - deydi «ClearView Economics» prezidenti Ken Meyland - milliy iqtisodiyot tayanib turgan atlant kabidir». AQSHda boshqa atlant (tayanchiq) qolmagan.

Ammo shu o'rinda iste'mol harajatlari kamayib ketish xavfi borligini unutmaslik kerak. So'ngi o'n yillikda Amerika iste'molchilari hech qachon, bugungidek kelajakka bu qadar

ishonchsizlik bilan qaramagan. «Conference Board» tahliliy guruhi tomonidan tuziluvchi iste'molchi ishonch indeksi 2002 yil sentabr oyidagi 93 dan oktabrdagi 79,4 ko'rsatkichiga pasayib ketgan. Bu 1993 yil noyabridan buyon eng past ko'rsatkichdir.

Manbaa: «Vedomosti» 30.10.2002, 01.11.2002.

- AQSH iqtisodiyotining o'sishida iste'molchilar hissasi qay darajadiligini izohlang.

- Iste'mol harajatlarning kamayib ketishga nima sabab bo'lishi mumkin?

- Yana qanday sabablarni misol keltira olasiz?

Soliq tizimi soddalashtirildi

2002 yilining yanvar oyidan e'tiboran O'zbekistonda jismoniy shaxslarning daromadlaridan undiriluvchi soliqlarning yangi stavkalari amalga kirdi. Unga ko'ra:

Daromadlarning umumiy	Soliq miqdori
Eng kam ish miqdori	Daromad miqdorida to'rt barobarida 13%
Eng kam ish haqining to'rt barobaridan to sakkiz barobarigacha	

Korxonalar daromadi (foydasidan) undiruvchi soliq hajmi 24% gacha kamaytirildi.

Eksportga yo'naltirilgan mahsulotlar ishlab chiqaruvchi korxonalardan undirilgan soliq miqdori mahsulotlarning eksport ulushiga bog'liq bo'ladi. Agar bu ko'rsatkich mahsulotlar umumiy hajmining 15%-30% gacha qilishni tashkil etsa, foydadan undiriluvchi soliq stavkasi 30% kamaytiriladi. Agar eksport ulushi 30% dan ortiqroq bo'lsa, soliq stavkasi ikki barobar kamaytiriladi.

Bundan tashqari, jismoniy shaxslarning mulkidan undiriluvchi soliq stavkasi ham ancha kamaytirilgan. 2002- yildan boshlab korxonalardan oldingi 5% o'rniga 2% miqdorida soliq undiriladi.

Manbaa: Uzreport.com AA

- Hukumatimizning soliq stavkalarini pasaytirishidan maqsadi nima deb o'ylaysiz?

- Mahsulotlarining eksport ulushi katta bo'lgan korxonalariga ma'lum soliq imtiyozlarining berilishidan maqsad nima?

O'zbekiston Respublikasi Vazirlar mahkamasi «Ichki bozorni taxta xom-ashyo materiallari bilan to'ldirish bo'yicha qo'shimcha chora-tadbirlar to'g'risida» qaror qabul qildi. Unga ko'ra 2003 yilning 10 iyundan boshlab yuridik shaxslar tomonidan olib kelinuvchi taxta xom-ashyolari uchun import bojxona to'lovi 0% qiymatida belgiladi.

Manbaa: HZ AA 7.07.2003

- Ushbu chora-tadbirlarning qanday natijalarga olib kelishi haqida mulohaza yuriting.

- Mazkur qaror yurtimizning qurilish sohasiga qanday ta'sir etishi mumkin?



Salom, «Halo!»

Ayrim mutaxassislar fikricha Mars, Snickers, Nuts, Shok kabi shokoladlar tarkibida odamni semirtiruvchi, tishlariga ozmi-ko'pmi zarar yetkazuvchi moddalar bor emish.

Bularni hisobga olgan holda Uelsning Halo deb nomlanmish kichik bir kompaniyasi juda kam kaloriyali «sog'lom» shokolad turini yaratishga muvaffaq bo'ldi. Ammo o'z mahsulotini bozorga olib kirish juda qiyinligini hatto kompaniya rahbarlarining o'zlari ham tan olmoqdalar. Chunki do'kon peshtaxtalari mashhur nomlar bilan liq to'la. Nestle', Cadbury, Marq kabi ulkan kompaniyalar o'z mahsulotlarining reklamasiga millionlab dollarlarni sarf

qilishi sir emas. Haloga qiyin bo'lishi aniq.

- Uelsning kichik bir kompaniyasi kirmoqchi bo'lgan bozor oligopoliyami?

- Halo yirik kompaniyalarning raqobatlariga bardosh bera olarmikan?

- Bir muncha vaqt o'tib Halo ham do'kon peshtaxtalarida o'z o'rniga ega bo'ldi.

Kompaniya bunga qanday erishgan bo'lishi mumkin deb o'ylaysiz?

- Bozorida munosib o'rin egallashi qiyin bo'lgan yana qanday mahsulot turlariga misol keltira olasiz? Nima uchun bunday?

- Yana qanday turdagi bozorlarni oligopoliya deb atash mumkin?



Ilonlar... Ularni ko'rish, ushlab u yoqda tursin, nomini eshitishimiz bilan etimiz jimirlab ketadi, shunday emasmi?! Beixtiyor «vuy» deb yuborganimizni o'zimiz ham sezmay qolamiz. Televizor orqali ilon o'ynatuvchilarning tomoshalarini hayrat va hayajon bilan tomosha qilamiz-u ular ortida qancha mehnat, mashaqqat yotgani haqida ko'pincha o'ylab ham ko'rmaymiz. Ana shunday ilon o'rgatuvchi insonlar bilan yaqindan tanishsak, suhbatlashsak, ularning sabr-



berishibdi. Kun issiq bo'lgani boqamiz. Avvallari ilonlarni faqat o'zim o'ynatardim. Hozir esa nabiralarimning ham ancha qo'llari kelishib qolgan. «Chag'ir»imizni nabiralarim Sardorbek, Shahzodbek va Diydorbeklar o'ynatishyapti. Yoshlari biroz kichikroq bo'lgan Najotbek va Sherdorbeklar esa o'zlariga mos «Chip» va «Deyl» nomli ilonchalarini o'ynatishadi. Ilonlarni o'rgatishga qaraganda echkiemarni o'rgatish mushkulroq ekan. Ilonlarni bir hafta qo'lingizga olmasangiz, yana asl holiga qaytib,

bois, bankada qizib ketgan ilon qopqog'ini ochishlari bilan devorga o'rmalab ketibdi. Uni ilondan qo'rqmaydigan qo'shni bolakay tutib beribdi...
-Bolaning qo'lidan ilonni oldim-u shu-shu ularning olamiga «singib» ketdim,-deya hikoya qiladi opa.- Manbaalardan ilonlar haqidagi ma'lumotlarni o'qiy boshladim.

sharmanda qilmagin, deya iltijo qilib borardim. Buni qarangki, Odamlar ilonlardan qo'rqishadi. Shuning barobarida ular zahridan tayyorlangan dori-darmonlardan ham tabobatda keng foydalanadilar. Bunday dorilardan shifo topib, oyoqqa turib olishadi-da, behosdan ilonga ro'para kelib qolishsa, dahshatga tushib, begunoh jonivorlarni o'ldirishga harakat qilishadi. Bu insofdanmi axir?

navbat menga kelganda holsizlanib yotgan ilonimga jon kirgandek bo'ldi. Qo'limning uchidan o'rmalab bo'yim osha gir aylanar, harakatlari har

«Navro'z» bayramda hozirda unut bo'lib ketgan «Chakaldan», «Pari», «Eshak mindi» kabi milliy xalq o'yinlarimiz bilan ishtirok etdik. Maqsadimiz- «Dorbozlik», «Morbozlik» (ilonbozlik) kabi milliy san'atimizni yanada rivojlantirish, yo'qolib borayotgan milliy o'yinlarimizni targ'ib qilish orqali qadriyatlarimizni tiklashdan iborat.

Bizningcha, Gulchehra opa boshlagan xayrli ish zamirida yana boshqa maqsadlar ham yotadi. Milliy o'yinlarimizni o'rgatish

HAYRAT SAN'ATI

bardoshiga, jasoratlariga qoyil qolamiz. Ayniqsa, u ayol kishi bo'lsa...

Ko'pchilik erkaklar ham uddalay olmaydigan bunday kasbning «piri» bo'lib ketgan Gulchehra opa Mamajonova ana shunday jasoratli ayollardan. Opa barchamizga yaxshi tanish bo'lgan «Vodil chinori» oilaviy xalq milliy sirkining badiiy rahbaridirlar. Dastlab 5-6 kishidan iborat bo'lgan sirk a'zolari soni hozirda 20 nafardan ortib ketgan. Nomidan ko'rinib turganidek, sirkda Gulchehra opaning oila a'zolari, farzandlari, nabiralari mehnat qilishadi.

Gulchehra opaning ilonlar bilan «do'stlashib» qolishining tarixi juda qiziq ekan. Milliy sirkda ko'zboylog'ichlik qilib yurgan kezlarida bir jurnaldagi ilon ko'tarib turgan ayol suratini ko'rib qolib, unga astoydil h a v a s qilibdilar. «Odam qilgan ishni o'dam qila oladi. U n tishlamabdimi, demak meni h a tishlamaydi», degan qarorga kelibdilar. Shunda, unchalik katta bo'lmagan suv ilonini bankaga solib, keltirib

Ularni qanday parvarishlash, betob bo'lib qolsalar, (tutqunlikda ular tez-tez kasallanib turishadi) qanday davolashni o'rgandim, ruhiyatini, odatlarini tushunishga harakat qildim. Ulardagi bir xususiyat menga juda yoqdi.

E'tibor bergan bo'lsangiz, bir qutiga solingan deyarli barcha hayvonlar bir-birlari bilan urishishadi. Ilonlar esa urishqoq emas ekanlar. Bora-ayon suratini ko'rib qolib, unga astoydil h a v a s qilibdilar. «Odam qilgan ishni o'dam qila oladi. U n tishlamabdimi, demak meni h a tishlamaydi», degan qarorga kelibdilar. Shunda, unchalik katta bo'lmagan suv ilonini bankaga solib, keltirib

yovvoyilashib qoladi. Echkiemarni esa sira o'rgatib bo'lmaydi. Shuning uchun ham uni nabiralarimga ishonmay, o'zim

o'ynata-man. Ishonsangiz, ilonlarimga shunchalik mehrim tushib qoladiki, betob bo'lib qolishsa yoki nobud bo'lishsa, haftalab motam tutaman. Ayniqsa, Jizzaxga gastrolga borganimizda sodir bo'lgan bir voqea hecham esimdan chiqmaydi. Dasturimizda ilon bilan o'ynaladigan nomer e'lon qilib qo'yilgandi. Kutilmaganda, u kasal bo'lib qoldi, holsizlanib, qimirlamay yotardi. Mashinada ketayotib, uni ohista silab ketyapman. Xuddi meni tushunadigandek, o'lib qolmagin ilonjon, meni odamlar oldida

doimgidan ham ko'ra a n i q r o q , chaqqonroq chiqardi. Tomoshamning


doimgidan ham ko'ra a n i q r o q , chaqqonroq chiqardi. Tomoshamning

Y a q i n d a yurtimizda keng tantana qilingan

Sayyoramizda ilonlarning 2500 dan ziyod turlari mavjud bo'lib, ularning 50 dan ortiq turlari tropik dengizlarda yashashadi. Quruqlikda esa 400 dan ziyod zaharli turlari uchraydi. Ulardan eng kattasi Janubiy va Janubiy-Sharqiy Osiyoda yashaydigan Kobralar sanaladi. Ularning uzunligi 3-4 metr, hatto 5 metrliklari ham uchraydi. Kobralar, ilonlar, echkiemalar, ayrim hollarda issiq qonli jonzorlar bilan oziqlanishadi.

so'ngida ilonim jonsiz arqonga aylanib qolishi lozim edi. Tomoshabinlarga sezdirmay ilonni qutiga soldim-da, arqonni olib davrani aylanib chiqdim. Kelib qutiga qarasam, u o'lib yotardi. O'shanda qayg'uranimni bir tassavvur qilib ko'ring-a...

Feruza JALILOVA.



Tog'u toshlar bag'rini yorib, har bahorda mittigina boychechak qad rostlaydi. Uni qo'llariga olib, ko'zlariga surtayotgan bobobuvijonlarimiz «Shu kunlarga yetkazganingga shukr, o'tganlarning joylari jannatda bo'lsin», deyishadi. Bu bebahoduolar zamirida sizni ro'shnolikka yetkazgan Turon zaminining asl farzandlari - Vatan deb jon olib - jon berganlar eslanadi. O'z yurtning tarixini bilmasang, kelajagingni anglay olmasan. Amir Temur, Temur Malik, Jaloliddin Manguberdi... Bu aziz vatandoshlarimizni har qancha yod aylasak oz. Sizga Jaloliddin Manguberdi videofilmini suratga olgan, taniqli rejissyor Hamid QAHRAMONOV bilan bo'lgan suhbatimizni havola qilamiz. Ijodkor Jaloliddinning mardligi, to'g'riso'zligi, botirligi, vatanparvarligi haqida to'liqinlanib so'zlarkan, har bir bolajonning qalbida ana shunday fazilatlar mujassam bo'lishini tilaydi.

xxx

Har bir asarni yaratish rejissyorning falsafasi, dunyoqarashiga bog'liq. Ayniqsa, xalqning o'tmishini, uning qahramonlarini aynan o'z qiyofasini, yurish - turishini o'zgarishsiz tomoshabinga yetkazish juda murakkab jarayonni qamrab oladi. Buning uchun har bir kishidan tarix sohasida kuchli bilim talab qilinadi.

«Jaloliddin Manguberdi» videofilmdagi voqealar 1217-1224 yillar orasida bo'lib o'tgan tarixiy hodisalarni o'z ichiga oladi. Buyuk adib Maqsud Shayxzoda qalamiga mansub ushbu asarni o'qiganimda shunday

edi. Jang maydoni Sirdaryo bo'ylarida, Chinoz atrofidan tanlandi. Tarixiy jang ham aynan shu yerda bo'lgan ekan. Tuni bilan uxlamadim, chunki quyoshning endigina yotoqdan bosh ko'tarishini aynan tasvirga tushirish lozim. Mana quyosh ham asta-sekin ko'tarila boshladi, endi tabiatning jonli hodisasi bulutlar quyosh yuzidan suzib o'tishi lozim. Lekin bulut ko'rinmayapti, nima qilamiz, axir hozir quyosh tikka ko'tarilib qoladi, deb asabiylasha boshladim. Yo Olloh, qudratingdan, ana bulut suzib kelayapti, quyosh yuziga yaqinlashdi, kerakli kadr tayyor bo'ldi, bizni Jaloliddinning ruhi qo'lladi. Boshlanglar, deya bor ovozim bilan baqirib yubordim. Xuddi shunday Toshkent «O'tchopari»da tasvirga tushirish jarayonida otlarning suronida agar quyunli shamol bo'lmasa nima qilamiz, deb ich-

Uchrashuv

BOLALIKNING O'Z IMTIHONI BOR

Bolalik har bir insonga bir marotaba beriladigan beg'ubor fasldir. Uning o'ziga xos imtihoni bor. Hayron bo'lmang, bu imtihon juda qiyin. Murakkab shartlari bor. Uni har bir o'quvchi o'z vijdoniga topshiradi. Qanday deysizmi? Eshiting: Avvalo uyda katta-kichikni hurmat qilishingiz, ota-onangiz o'gitlariga hamisha quloq tutishingiz, maktabda esa faqat a'lo va yaxshi baholarga o'qib, ustozlaringizning aytilganlarini bajarishingiz lozim. Ana shunda bilimdon, dono bo'lib yetishasiz, o'tgan vaqtingizga achinmay ulg'ayganingizda bolalik imtihonlaridan yaxshi o'tganingizga amin bo'lasiz.

Men ham siz kabi bolalik imtihonlarining barcha shartlarini bajarib, Mannon Uyg'ur nomli San'at Institutini aktyorlik fakultetini tugatdim. O'ztelekompaniyasida 47 yildan buyon rejissyorlik qilaman. Bizning kasbimizda quyunday tezkorlik, tiniq fikr, kuchli bilim talab qilinadi. Bir so'z bilan aytganda, rejissyor filmning jonu tani, negizini ochib beruvchi shaxsdir.



Hamid QAHRAMONOV ish ustida.

ta'sirlandimki, u batamom xayolimni band etdi. Eng avvalo sevimli ustozim, buyuk san'atkor (marhum) Shukur Burxonovning oldiga shoshildim. U kishining maslahatlariga quloq tutdim. Shukur aka bu borada katta mahoratga ega edilar, menga yo'l-yo'riq ko'rsatdilar. Ushbu asarni suratga olayotgan paytimizda aynan Mo'g'ul bosqinchilari bilan bo'lgan beayov janglar, uchqur otlar, chor-atrofdagi o't-alanga, sarbozlarimizning matonati,



Suratda: «Jaloliddin Manguberdi» videofilmdan lavha.

Jaloliddinning oq otida o'lim sari tik borishini maromiga yetkaza olish lozim edi. Buning uchun dastlab jang maydonini tanlashimiz, so'ngra tasvir paytida quyosh yuzini bulutlar to'sishi, otlar ayovsiz chopayotganida qattiq quyun ko'tarilishi kerak

ichimdan o'ylanardim. Bu safar ham qahramonimizning pok ruhi sabab, shunday quyun, chang-to'zon bo'ldi-ki, nazarimda, Jaloliddin biz bilan birga yurgandek edi. Videofilmdagi ijobiy va salbiy qahramonlar rollarini ijro etgan aktyorlar chidam bilan mehnat qilishdi. Ish jarayonining har bir daqiqalari, soniyalari, daqiqalari qayta-qayta tahlil qilindi. Ayniqsa, Jaloliddin-Murod Rajabov, Nasaviy-Yoqub Ahmedov, Temur Malik-Matyoqub Matjonov, Chingizxon - Anvar Yusupovlar o'z obrazlarini maromiga yetkazib ijro etishi muxlislarni bee'tibor qoldirmasa kerak. Bolajonlar, sizlar ham ushbu videofilmi albatta tomosha qiling. Avlodlarimizning qahramonligi, mardligi yuragingizga jo bo'ladi.

Insonning o'z ishidan, kasbidan qoniqishi unga huzur-halovat bag'ishlaydi. Necha-necha tunlarni bedor-behalovat o'tkazgan, siz-u bizga goh tarixiy, goh zamonaviy qahramonlarni tiriltirib hamroh etgan Hamid QAHRAMONOV «Tong yulduzi»ning haqiqiy do'sti hisoblanadi. Yangi filmlar haqida, O'zbekiston teleko'rsatuvlari to'g'risida xushxabarlar yetkazib, gazetamizning har bir sonini qoldirmay o'qiydilar. Fikr-mulohazalar bildirib, yo'l-yo'riqlar ham berib turadilar. Chunki, quvnoq bolaligimning haqiqiy

hamrohi edi-da, bu gazeta, deydilar. Unda bobolarim nigohi qolgan, bolalarim bilim olgan...

Hayrat va quvonch bilan har yangi sonimizni kutayotgan Hamid aka! Sizing hayratingiz-bizniki, quvonchingiz-quvonchimiz. Qalbingizdan yoshlik zavq-shavqi arimasin, boladek sof, boladek beg'uborligingizcha SIZni sevamiz, biz ham... Siz yaratgan filmlar. Biz uchun - maktab. Bu maktabning saboqlari -yurtga mehr, vatandoshlardan faxrlanish tuyg'usi bilan limmo- lim.

Farzandlarimni o'qib-organishga, halol mehnat qilishga undayman. Vaqt nihoyatda o'lchamli. Uni behuda o'tkazgan kishi afsuslanib qoladi. Bu qoidani o'zingizga shior qilib oling.
Hamid QAHRAMONOV.

Jamila ERDONOVA yozib oldi.



NAVRO'ZI ODOM

Navro'z keldi go'yoki malak,
Chechaklarga burkandi olam.
Qozonlarda qaynar sumalak,
Quvonchlarga to'ldi dil shu dam.

Tengdoshlaring ijodi

OO YO'L, MAFTUNA!

Maftuna Jamolova Toshkent tumanidagi 3 - o'rta maktabning 7 - sinfida a'lo baholarga o'qiydi. Shuningdek, «Istiqlol nuri» nomli tuman gazetasining eng faol jamoatchi muxbirlaridan biri.

Uning she'riy mashqlari, ertak, maqola va lavhalari gazeta sahifalarida muntazam bosilib turadi. Istagimiz - Toshkent tumanidan porlab chiqayotgan «mittigina yulduz»imiz «Tong yulduzi»dan taralayotgan nurlarni yanada charog'on qilishga o'z hissasini qo'shsin.

Hikmatulla MAHKAMOV,
«Istiqlol nuri» muxbiri.

O'z yuring - o'zla beshing
TONG
yulduzi

O'zbekiston bolalari va o'smirlarining gazetasi

BOSH MUHARRIR:

Umida
ABDUAZIMOVA

TAHRIR HAY'ATI:

Risboy JO'RAYEV,
Mirakmal MIROLIMOV,
Botir UBAYDULLAYEV
Jabbor RAZZOQOV,
Feruza JALILOVA
(Bosh muharrir o'rinbosari),
Abdusaid KO'CHIMOV,
O'ktam OHUNOV,
Ergashvoy SARIQOV.

Gazeta O'zbekiston
Matbuot va axborot
agentligida
№ 022 raqam bilan
2003 yil 11 dekabrda
ro'yxatdan o'tgan.

Noshir
«Ijod dunyosi»
nashriyot uyi.
Gazeta
«Ijod dunyosi»
nashriyot uyi
kompyuter bo'limida
terib sahifalandi.
Gazeta haftaning
dushanba kuni chiqadi.
Hajmi A-3, 2 bosma
taboq.
Toshkent matbaa
kombinatida chop etildi.

Adadi - 46918
Buyurtma № J 000103

Gazetani
Otabek
ESHCHANOV
sahifaladi.
Navbatchi:
Ozoda
TURSUNBOYEVA

Manzilimiz:
700129,
Toshkent shahri,
Navoiy ko'chasi,
30-uy.
Obuna indeksi: 198

Bizning elektron
pochtamiz:
iiod@uzpak.uz

Tel: 144-63-08
144-62-34
Tel./ faks:
(99871) 144-37-24

UYALIB QOLDIM

Yaqinda buvijonim biznikida bir necha kun mehmon bo'ldilar. Yakshanba kuni oyim dadamga tomorqa ishlarida ko'maklashayotganlari uchun kechki ovqatni buvijonim hozirlashga kirishdilar. Dam olish kuni bo'lgani uchun kechroq uyqudan turdim. Buvim tayyorlab qo'ygan nonushtani yeb bo'lgach, ko'chaga, dugonalarim yoniga oshiqdim. Shunda buvijonim, qizim, men ovqat pishirmoqchidim, biroz ko'maklashib yubor. Axir nima, qayerda turishini



bilmayman-ku, dedilar. Men esa nimaning qayerda turishini ko'rsatib berdim-da, ko'chaga chiqib ketdim...

Kechqurun hammamiz dasturxon atrofiga yig'ildik. Buvijonim pishirgan oshni mazza qilib yedik. Ukalarim: «Ovqat juda shirin chiqibdi, kim pishirdi?», deb so'rashdi. Buvijonim mayin jilmayib, ovqatni Maftuna qizim pishirdi, dedilar. Oyim bilan dadam ham meni maqtay ketishdi. Men esa uyalganimdan buvimning ko'zlariga qarolmasdim.

Maftuna JAMOLOVA,
Toshkent viloyati, Toshkent tumanidagi
3 - o'rta maktabning 7 - «B» sinf o'quvchisi.

GO'ZALLIKNI HIS QILIB YASHAR



Biri kam dunyo deganlari
rost ekan.

Bo'lmasa, har
jihatdan iqtidorli,
noyob qobiliyatli,
o'qishga, bilim
olishga chanqoq
Rozaxonni ko'rish
baxtidan biroz qisib
qo'yarmidi?..

Shunday bo'lsa-da,
uning irodasi bukilmadi.
Hayotga, yashashga,
bilim olishga bo'lgan
o'zgacha ishtiyoqi bois
p o y t a x t i m i z d a g i

Oxunboboyev nomli ko'zi ojizlar maktabining 6-sinfida a'lo baholarga o'qib kelyapti. Rozaxon hayotni, tabiatni sevadi. Go'zallikni his qilib yashaydi va ularni o'z rasmlarida aks ettirishga intiladi. Vatan madhi, Navro'z, go'zallikni tasvirlovchi rasmlari soni ortgandan-ortib boryapti.

Bugunning bolasi har jihatdan bilimli, zukko, barkamol bo'lishi lozimligini yaxshi bilgan Ra'noxon opa farzandlarining til o'rganishlariga ham alohida ahamiyat beradi. Shuning uchun ham uy yumushlari, tashvishlaridan ortib, Rozaxonni ingliz va nemis tillaridan bo'ladigan mashg'ulotlarga olib boradi. Opa qizida o'qishga, rasm chizishga ishtiyoq uyg'otgan ustozlari Jo'raxon opadan, Avaz aka hamda Gulsara opalardan behad minnatdor.

Tengdoshingiz Rozaxon Is'hoqova chizgan mana bu rasmlar bilan sahifamizni bezatishga qaror qildik. Chunki ular bizga juda yoqdi. Sizga-chi?

Gazetamizning navbatdagi soni 12-aprelda chiqadi.